

說部叢書

初集  
第十六編

神怪小說

希臘神話

上海商務印書館發行

希臘神話

卷一  
第一至六章

神話小說

希臘神話

商務印書館發行

# 希臘神話目次

開端第一

金世第二

原火第三

禍世第四

致罰第五

鴻水第六

變牛第七

競織第八

變生第九

宙斯第十

化樹第十一

謊報第十二

復仇第十三

牧奴第十四

駕車第十五

還魂第十六

訪妹第十七

先知第十八

屠龍第十九

藝人第二十

浮海第二十一

試履第二十二

遁形第二十四

馘妖第二十五

海獸第二十六

救母第二十七

誤中第二十八

熊母第二十九

鑪炭第三十

屍譴第三十一

獵閔第三十二

金窠第三十三

開化第三十四

橄欖第三十五

別囑第三十六

違母第三十七

劇盜第三十八

角力第三十九

鐵牀第四十

朝父第四十一

殺姪第四十二

去國第四十三

飛遁第四十四

問罪第四十五

入貢第四十六

誅怪第一

黑風第四十八



# 希臘神話

## 開端第一

世界當幼稚時代。人每喜譚奇說怪。口道而心信之。然質諸今人。則率未經見云。相傳古有大神曰宙彼得（木星）又名周士君。天地而握其權。位於羣峰縹緲之上。世界人類物類之動息。罔不在其監觀之中。常挾颶乘雲而游。好射雷矢。燎林爛石。威力甚猛。一點首。地震岳搖。煙歟。天爲之昏。日掩其面。

神有兄弟二。其兄暴殆與彼埒。其一曰尼布坦（海王星）又名波希頓。爲渾神。以金爲宮。光耀閃爍。建於滄海深處。鱗族珊瑚產焉。一怒。海水山立。波濤澎湃。大地因之陸沈矣。人故目之爲震地之神。

其一曰普拉透。又名愛多紐斯。貌極獷惡。國於陽光不燭之下地。常黑漆似。一隙之明。勿可得也。啾啾鬼哭。愁慘之聲。時以不絕。其國名曰洛兒烏兒（華言下界）又名差都斯。黑地斯（華言陰府）人死。則魂爲冥吏差都利得（華言引魂者）引去。幽之

於黷慘之域。常受苦惱。以故人皆疾之。謚之曰生命之敵。

佐周彼得者。尙有多神。茲不能悉舉。聊舉其尤著者。餘則散見編中。不預詳。

一飛納士(金星)女王。性慈而貌美。世之衆婢羣倩。蔑有能髣髴之者。

二雅典拿。又名綿奴巴空中女王。以智慧畀人類。世之制作以前民用者。悉本之。

三周娜周。彼得后相。其夫以宰治宇宙者。

四麻士(火星)善戰之神。喜殺戮者也。

五麥鳩烏利(水星)趨捷使者也。冠履皆有翼。往來颺迅。恍如夏風之逐浮雲。

六巴洛肯。冶鐵之最工者。以火山爲爐。火常不熄。鑄造銅鐵金諸器。

之數神。悉處金碧輝煌之金宮。宮建於雲霄之間。人之目力所不能及也。而神則能洞燭人類之所爲。靡有遺者。然常臨世。遵陸涉波。無遠弗屆。特人不之見耳。

金世第二

泰古之世。有一貴族焉。曰泰登士者。握全地之治理權者也。一族凡十有二人。男女

各六。父天母地。悉具男女之形。特視人類爲修偉姣好耳。其季曰索坦（土星）享年最久。人推爲歲時之祖。以其君一族。故全地宰治權咸歸之。御極之時。民皆康樂。目爲金時期。四時皆春。花不凋殘。禽歌弗輟。蘋婆果。無花果。橘柚之屬。纍纍於樹。葡萄。瓜。珠果之屬。常綴於籐。任人摘取。罔有所禁。不操作。又無疲癯殘疾。老死懊惱之患。男女鬢髮不皤。顏不衰。膚不皺。恆若少壯時。無風雨嚴寒。及其他不虞。故無宮室以自蔽。席草幕天。以廣野爲囿。陽光清氣冽泉。一皆衆所共有。以是人無貧富之分。其時亦無泉幣。故又不需管鑰關鍵。且人各自給。無事於肘篋探囊。侵損他人以自利也。至於人之相與也。無詐無虞。城府不設。和氣藹然。不知有相害之事。其幸福若此。然而長生久視。壽齡斯極。人皆昏然思睡。尸解而去。其遺蛻亦不復留於世。而其精魂。則飛山越海。往生於西方極樂。然又來去自由。絕無拘苦。時亦遊戲人間。相傳嬰孩睡夢中輒笑。皆此精魂爲之也。世之疾病勞作負重者。輒陰助之。故疾者遇之瘳。勞者遇之減。負重者遇之輕。

惜乎。金時期往矣。顧誰爲之。誰實致之者。曰厥惟周彼得。與其兄弟。

周彼得相傳爲泰登索坦之子。梟獍成性。生未及歲。已懷叛父之志。稍長。卽慫恿其兄弟尼布坦普拉透女弟周娜。嬖由黎斯妣斯他從己。協謀竄逐其父。於是父子稱戈。連年鏖戰。佐周彼得之諸神。率雄力逾恆。又有獨眼神沙屈洛波濟其惡。於火山中。爲周彼得鑄造雷矢。以爲戰具。又有三神。各具百手。拋擲木石於索坦營中。以攻之。周彼得則憑高射雷矢。疾而且多。山焦海沸。熱氣迷漫。天地失其位。索坦及其兄弟憂之。十年之間。常求息戰。言歸于好。不可得。索坦卒爲周彼得所擒。以巨石爲索。囚之於地獄。命沙屈洛波及百手神監獄邏守。終不令出。

自周彼得索坦父子稱戈。鑿氣所鍾。影響於世界者甚大。人各思損人以自利。雖出於爭奪。所弗顧也。有欲盡天下之利。悉以歸己者。有欲握世界主權。使人崇己者。有怙勢尙力。而奴弱懦者。有斬伐果樹。不許人療飢者。有殘殺所象牲畜。以快一時之意者。有烹宰生物。以朶其頤而果其腹者。利心旣萌。競爭斯熾。殃且及於物類。豈惟

民哉。然而我虞爾詐。機械日生。而人道苦矣。不復前此相友不相害之樂矣。世界既失平和。戰事乃常起。少豐稔而多荒歉。乏道德而滋惡孽。尠快樂而多愁怨。周彼得最得意之時。而金時期遂一往而不可復挽也。悲夫。

### 原火第三

皇古之世。有二兄弟焉。不類人。亦不類位於羣峰縹緲之上之惡神。其人爲誰。蓋泰登士皇索坦與周彼得。戰被幽於地獄者之子也。長曰普喇米撒。善察來。自一日以至一年百年。凡屬未來事。率能逆料之。而預爲經營布置。季曰阿配米撒。能彰往。自昨日以至客歲前世紀事。一經追憶。莫不歷歷如在目前。若未來事。則概置不問。當索坦被幽時。二子竟以他故免。

處於羣峰縹緲上之諸神。日饜醢醪鳳脯。無所事事。卽有所爲。亦多屬神仙遊戲。無關要圖。普喇米撒反之。極形忙碌。日以世界進化爲己任。不與諸神伍。

金時期既逝。人類日苦。滿腔子裏悉裝愁鬱焉。普喇米撒鑑其苦。思有以振拔之。爰

託處人間。而與人密邇。常嚙嚙曰。哀哉人也。穴居野處。寒氣慄烈。侵肌裂膚。苦難言喻。是何以故。曰。以無火故。惟無火。故衛生之道闕然。有餒死者。有果獸腹者。有被戕者。方是之時。人類豈復有生趣哉。

因自念。彼衆脫有火乎。可以取煖。可以熟食。且可假火以作械器。范土以制宮室。火之爲用大矣哉。苟終無火。彼別聲被色之倫。殆不若戴角披毛之醜。

遂朝周彼得乞火。爲民請命。周彼得却之曰。汝爲下民乞火乎。雖一星之微。不可得也。民得火。智識日瀾。行且與我儕並。而逐之矣。欲更一日君全地。恣吾所欲爲。享無極之幸福。其可得耶。不如聽其寒慄。勿爲慮。蓋彼衆長如獸畜。正我儕之福也。普喇米撒聞其言。嗒然若喪。不作一語。徑去。永不復見。然其造福人類之志。終不少弛。

旣去。遵海而行。途次忽遇一草。擘而視之。莖中具有可燃之質。蓋蘆葦也。摘之。東向暘谷而去。金輪自地初升。而普喇米撒適至。出葦管燃之。急返。以授穴居寒慄之民。教之取煖。及傳火之法。乃自言曰。霸主可恨。亦知人間自有火乎。自是世界男若女。

共拜普喇米撒之賜。知火食。去野性。不復如獸之蟄居幽穴矣。景象一新。民樂曷極。已而又逐事教民。不下千計。如以木石制宮室。馴四足供耕穫之驅遣等。其尤著也。且以有火故。冬無風饕雪虐之憂。春無利爪長牙之害。又知採銅鐵鑛。及鑄造器械。以供日用。以自衛。以禦敵。蓋自火入世。世界進化。乃甚驟。普喇米撒見之。歡呼曰。金時期其庶幾復哉。

#### 禍世第四

金時期既復。於是民咸樂業康居。然皆出自普喇米撒之賜。而其戾周彼得之意者也。一日周彼得俯視人世。見炊煙縷起。宮室星錯。牲畜嚙芻於野。穀成於田。大怒。問誰爲此者。侍者曰。普喇米撒。周彼得曰。卽泰登士之少者耶。吾將因而致其罰焉。幽之使其與其宗族俱。民既有火之利。勢不可復奪。則有聽之而已。然我必令其受禍苦。倍蓰於無火之時。

於是緩其所以罰普喇米撒者。而先措手於生民。掬撮土授巴洛肯。造一美人。巴洛

肯如命。造畢。致周彼得前。形容態度。維妙維肖。世之美術家。尠有及者。但無氣耳。周彼得乃召諸神至。令各贈賜。曰。我與之生氣。於是餽遺紛紛。自麗質。美容。嬌喉。妍媚。柔情。以至美術雅藝。下逮玩弄之具。無一不備。命之名曰朋多喇。謂受贈賜多也。朋多喇丰姿絕世。見所贈賜物多奇妙。心甚喜之。而不敢形於詞色。諸神大加贊嘆。遂屬麥鳩烏利。攜就普喇米撒兄弟工作所。適遇阿配米撒。曰。此妙女。周彼得以妻汝者。普喇米撒嘗誡其弟阿配米撒。曰。周彼得有所賜予。勿受。蓋稔知霸者之叵測也。阿配米撒見女。豔之。爲所惑。頓忘兄誡。納焉。伉儷甚篤。

然二人舉不知周彼得之包藏禍心。以殃世也。女有金盒一。周彼得所賜者。臨行。謂女曰。滿中皆寶。得此受用不盡矣。雅典拿姿貌雖平庸。然多智。獨誡女曰。慎勿發。否。必貽噬臍之悔。女自念匣中甯非美飾乎。盍出以增我嬌媚。如雅典拿言。周彼得何爲畀我。不徒然乎。於是愈欲發驗。然以雅典拿誡。不敢遽發。惟日取盒觀玩。冀得一罅隙可窺。而卒無由。轉念雅典拿醜。得無妒我美乎。我何爲受其愚。於是潛入密室。

以爲無知者。竟違雅典拿誠。微敢。有聲如風。懼甚。急闔之。然十千妖物。已如虎兇之出柙矣。面青。猙獰可畏。世間無此奇形怪貌也。拍翼翱翔室中。俄乃振翮飛去。入人境覓室以居。且無男女老少。皆入其心而據之。百憂頓作。快樂盡失。厥名曰疾。曰痛。曰愁懼。靡所不有。古者人世本無憂患之事。至是憂慮疾病死喪踵起。樂園易而爲苦海矣。

朋都喇驚悔不已。然已無可如何。猶幸一怪半身已出。急閉盒。乃不得遁。不然。人且皆札瘥殤殍。不永其年矣。豈惟疾痛愁懼爲患而已。怪名瑣巴頂。凶毒尤遠過於十千妖物云。

此卽周彼得處心積慮以殃世者也。自盒中妖物入世。而人類之患苦。乃視未有火食之前尤酷。

### 致罰第五

禍患旣已入世。周彼得乃致其罰於竊火福人之普喇米撒。命二僕。一曰力。一曰權。

禽普喇米撒至高加索山絕頂。又命巴洛肯穿巨磐以鐵索緊束之。使手足不得動。巴洛肯素善普喇米撒。本不欲以是相待。懼方周彼得命獲譴。不得不爾。而人類良友。遂羅此鞠凶。風吹之。雹擊之。鷹鷂啄之。爪之。此皆周彼得之所遣以苦普喇米撒者。然爲善獲譴。普喇米撒固絕無怨悔也。不惟不悔。且不求脫。若曰。爲斯人受苦。吾固樂之。當取火入世時。豈不知霸者周彼得必甘心於已哉。

久之。繫如故。日御非力烏亦時俯睨而嘻之。謂傳吾火以畀人類。今乃受用若斯耶。其橫被戮辱類如此。然羣鳥報人間消息於其上。海神作妙歌以娛其側。受賜之人類。申申以詈霸者周彼得之慘毒。此尙能寬普喇米撒之懷抱也。

一日有白牛。人其面。過之。目炯炯注視普喇米撒不去。望之馴甚。一似爲普喇米撒懷重憂者。普喇米撒見之。曰。爾非愛奧乎。非亞谷之美人乎。何乃形穢若此。

按愛奧變牛事

詳第七章  
類揭於此

然勿失望。且面南去。行數日。折而西。將見一河。名曰尼祿。在彼。將復爾麗質。視前尤豔。王將納爾爲后。爾裔將解吾厄。請以我故。忍時日以俟之。愛奧聞言。苦